

古今

摺

集

存

世

光緒三十二年八月初十日

戶部宗人府正白旗值日無引

見

召見軍機

旨廕生左景祐著內用雲南楚雄府知府著尹肇熙補授
安徽潁州府同知著清樸補授山東高密縣知縣著王
鑑清補授安徽全椒縣知縣著原邦用補授山東萊陽
縣知縣著朱槐之補授陝西盩厔縣知縣著左一芬補
授陝西紫陽縣知縣著錢昌祚補授截取舉人傅作舟
著以直隸州州同用和建勳著以鹽庫各大大使用過錫
綸著以直隸州州同用陳星爛著以鹽庫各大大使用現
任大庾縣訓導彭天爵著以鹽庫各大大使用截取舉人

李福寶著以直隸州州同用揀選舉人錢流鑒著以知縣
用涂開勛著以直隸州州同用段雲錦著以知縣用袁
澍著以鹽庫各大使用孟永昌著以直隸州州同用胡
蘊璋著以直隸州州同用党雨春著以鹽庫各大使用
趙廉正著以直隸州州同用刑部筆帖式著毓滄補授
陝西道監察御史員缺著史履晉補授山西巡撫衙門
筆帖式著潤興補授揀發廣東知州趙鶴清著以知州
發往廣東揀發廣東知縣吳維藩三音布金齊顯劉際
清馬鑑澄段裕文王培仁蘇耀宗陳作霖章壽椿吳枳
張墳程鴻鑒丁庭聞孫積蔭初芾南孔慶鑽傅汝枚莊
昭然易樹鵠尙守真郭桂芬張翼廷黃嘯梁鴻志羅鎮

藩陳熙臺任重周世棠陳闡賀鵬武裘英甘常慤周九齡汪佩聲殷紹章李毓棻陳綬緇張通晉周介祉董國楨鍾鼎孫冲源劉崇蒙其藝柏紹棠丁樹藝陳廷杰俱著以知縣發往廣東保送分發知府戶部員外郎徐培芝著以知府分發省分補用欽此

之者以取諸各...
昔以...
其...
...

光緒三十二年八月初十日摺片

江西巡撫臣吳重熹跪 奏爲俸滿保荐改題爲奏恭摺

仰祈

聖鑒事竊照前准部咨嗣後首領佐貳雜職歷

俸已滿六年者該督撫調取驗看詳加甄別其中實有人
才出衆著有勞績堪膺保荐人員詳細確查出具切實考
語奏明辦理等因遵照在案茲據署藩司錫恩兼署臬司
沈曾植會詳新喻縣縣丞姜寶銓年五十歲浙江遂安縣
人原籍會稽縣由典史報捐縣丞指分江西試用復加捐
遇缺先補用免試用咨補今職期滿銷去試俸字樣今自
光緒二十六年三月二十四日到任起連閏扣至三十二
年正月二十四日初次六年俸滿該員老成穩練辦事實

心堪以保荐叙明政績詳請加考具奏前來臣覆加查

看新喻縣縣丞姜寶鏞謹慎老成資深年壯堪以保荐可

否仰懇天恩准其升用恭候欽定至該員任內

並無叅罰案件臣謹會同署兩江總督臣周馥恭摺具陳

伏乞皇太后皇上聖鑒訓示謹奏奉

硃批吏部知道欽此

江西巡撫臣吳重熹跪奏爲補用知縣原叅虧短交代

銀兩已據叅後全完懇恩開復原官俾資觀感恭摺

仰祈聖鑒事竊查補用知縣武光樽前署湖口縣任

內交代算明虧短徵存正雜各款銀二千六百一十八兩

二錢二分屢催未據完解據前司道詳經前護撫臣柯逢

時會同前兩江總督臣魏光燾於光緒二十九年六月內

奏請暫行革職勒限完繳欽奉

諭旨着照所請該

部知道欽此當經轉行欽遵勒催追繳去後茲據署藩司
錫恩兼署臬司沈曾植署糧道吳慶燾會詳稱據該員武
光樽將前署湖口縣任內交代原叅虧短正雜各款銀二
千六百一十八兩零於叅追後如數完解清款自應照案
詳請開復以昭激勸並開具完解年款細數清摺會詳請
奏等情前來臣查該革員補用知縣武光樽虧短交代
銀兩於叅追後如數全完尙知愧奮合無仰懇 天恩
俯准將已革補用知縣武光樽開復原官仍留江西歸本
班補用俾資觀感除將清摺分咨吏戶部暨雲南撫臣查

照外謹會同署兩江總督臣周馥恭摺具奏伏乞

皇太后

皇上聖鑒訓示謹奏奉

硃批著照所請該部知道欽此

吳重憲片再廣信府知府何汝翰據稟患病所有該府

印務應卽遴員委署查有新授贛州府知府許佑身老成

諸練堪以調署據署藩司錫恩會同兼署臬司沈曾植具

詳前來除檄飭遵照外謹會同署兩江總督臣周馥附片

陳明伏乞

聖鑒謹

奏奉

硃批吏部知道欽此

吳重憲片

再捐納勞績各項人員應於到省後認真察

看期滿時出具切實考語

奏明補用茲查有捐納試用

知縣涂家翊劉芳均試看一年期滿臣詳加察看捐納試

用知縣涂家翊明白曉暢劉芳標和平均堪留於江西
照例序補理合會同署兩江總督臣周馥附片具陳伏乞

聖鑒謹

奏奉

硃批吏部知道欽此

吳重熹片 再新授江西按察使秦炳直現已到省經臣
飭赴新任以重職守除檄飭遵照外理合附片陳明伏乞

聖鑒謹

奏奉

硃批知道了欽此

吳重熹片 再准補江西鹽法道文炳現已引

見回

省應卽飭赴新任所有兼署按察使事署鹽法道沈曾植
應令交卸鹽法道仍專署臬司篆務除分檄飭遵外理合

附片陳明伏乞

聖鑒謹

奏奉

硃批知道了欽此

吳重憲片 再新授江西布政使沈瑜慶現已到省經臣
飭赴新任所有現署布政使事督糧道錫恩應令交卸藩
篆仍回糧道本任除分檄飭遵外理合附片陳明伏乞

聖鑒謹

奏奉

硃批知道了欽此

陳夔龍片 再據蘇州布政使濮子潼江蘇按察使朱家

寶會詳常州府總捕通判沈召係浙江山陰縣監生由兩
淮補用鹽巡檢遵例捐升通判指分江蘇清淮獲匪案內
保歸候補班遇缺補用請補常州府總捕通判於光緒三
十年三月二十四日到任茲於三十二年五月十九日在
任故病所遺常州府總捕通判選缺蘇省現有應補人員
應准扣留外補又吳江縣知縣方道濟係安徽定遠縣監

生由前任江蘇鹽城縣知縣丁憂開缺服滿起復呈請分
發原省歸候補班補用請補吳江縣知縣於光緒二十二
年九月十九日到任二十五年六月交卸茲於三十二年
四月二十日在省寓病故所遺吳江縣知縣要缺例得由
外揀員請補各等情分案詳請具 奏開缺前來臣復查
無異除分咨部科查照外理合附片具陳伏乞

聖鑒飭部查照謹

奏奉

硃批吏部知道欽此

丁振鐸片

再調補雲南順甯府知府琦璘應飭赴任所

遺澂江府缺查有補用知府左肇南才猷穩練又武定直
隸州知州趙鑒揚撤省遺缺查有准補大關廳同知鄭鼎
纓均堪以署理又新選河西縣知縣滕竹本江川縣知縣

崔榮達宣威州知州黃乾濟現署雲州知州准補馬龍州
知州張德熙均應飭赴本任遞遺雲州缺查有請補該州
知州馬堃榮堪以先行署理又署路南州知州梁豫署師
宗縣知縣李豔枝均調省所遺路南州缺查有補用知州
王敬彝奮發有爲堪以調理師宗縣缺查有准補永善縣
知縣鄔振鐸堪以委署據雲南藩臬兩司先後會詳前來
除檄飭遵照外謹附片陳明伏乞
聖鑒謹 奏奉

硃批吏部知道欽此

雲貴總督臣丁振鐸跪 奏爲騰越關第一百八十一結
期滿徵收稅銀及提存支解各款開單具報恭摺仰祈
聖鑒事竊准戶部咨洋關徵收稅銀照章結開單奏

報一次等因業將騰越關自光緒三十年八月二十二日
第一百七十七結起至三十一年九月初二日第一百八
十結止爲各海關一年期滿徵收稅銀及提存支解各款
造冊開單 奏銷在案茲據雲南迤西道兼管關務關以
鋪將該關自光緒三十一年九月初三日起至十三月初
六日止爲各海關第一百八十一結期滿內徵收正稅照
章分別四六成以四成作爲京餉其六成洋稅項下開支
關用經費及傾鎔折耗計尙不敷所有此結應提一成五
釐出使經費現因六成項下實無餘款可扣清免提解開
列四柱清單詳請 奏咨並聲明此結提歸外務部三成
罰款銀二兩七錢等情前來臣覆核無異除咨外務部戶

部南洋大臣查照外謹繕清單恭摺具陳伏乞

皇太后 皇上聖鑒敕部查核施行謹 奏奉

硃批該部知道單併發欽此

丁振鐸片 再臣准戶部咨前督辦雲南鑛務臣唐炯奏

蒙 俞允開去差使所有鑛務由臣督飭藩司妥爲籌

辦惟前辦四川將軍石貴州媽姑等廠此後是否一併由

滇辦理或由川黔自辦原奏未經聲敘應卽核定咨覆等

因當督同雲南藩司劉春霖詳加查核將軍石銅廠界在

四川會理州屬及雲南巧家廳地方光緒十七年經部咨

催推廣唐炯委員查明卽飭公司在該處開辦廠鑛兼收

買通安各廠六成商銅湊供京運二十七年公司收回隨

復委員接辦至貴州威寧州媽姑鉛廠停辦多年二十八
年前貴州撫臣鄧華熙需供京運咨請飭令公司一手經
理經唐炯奏准敕令公司設局調辦各在案現正趕辦京
銅之際將軍石銅廠應請仍舊由滇委員照案辦理並循
川四滇六向章收買商銅俾符原案其媽姑廠出鉛甚少
上年復准部咨停解京鉛該公司即已歇手應否採辦由
黔自酌滇省暫時勿庸辦理以免牽掣所有將軍石媽姑
各廠分別辦理緣由除咨部並川黔督撫臣查照外謹附
片陳明伏乞 聖鑒謹 奏奉

硃批戶部知道欽此

江蘇巡撫臣陳夔龍跪

奏爲江蘇省光緒三十一年分

奏銷案內查明各年已未完舊賦錢糧比較上三年完欠
分數開單具陳恭摺仰祈 聖鑒事竊照江蘇省舊賦

錢糧比較上三年完欠分數業經遵照部文自光緒十年
分奏銷起查明各年舊賦錢糧已未完數目按屆具 奏
並自十三年起查明部行開列比較已未完分數清單

奏報至光緒三十年分止在案茲屆查辦三十一年分奏
銷查江甯蘇州兩藩司所屬除光緒十三年以前舊欠未
完銀兩業經欽奉 恩旨查辦豁免外其江甯藩司所

屬自十四年至三十年各年舊賦未完地丁銀內計有各
屬徵解續完銀三百九兩零蘇州等屬除二十三年分地
丁並無緩徵民欠外所有十四年至三十年歷屆秋歉遞